



ԵԿԵՂԵՑԻՈՅՍ ԴՊՐԱՅ ԴԱՍԸ



Ս. Խաչ Մայր Տաճարի դպրաց դասը ըստ յարմարության, քով քովի գալով գրեթե ամեն Կիրակի, կանոնաւոր փորձեր կը կատարէ Ս. Պատարագի երգեցողութեան, շարականներու եւ տօնական օրերու յատուկ մեղեդիներու եւ օրհնութեանց: Փորձերը տեղի կ'ունենան ամեն Կիրակի, առաւօտեան ժամը 90:30-10:30: Եկեղեցոյ երկար տարիներու վաստակաւոր երգեհոնահարն է՝ տիկին Գոհար Թորանեան: Եկեղեցոյս դպրաց դասի դպիր դպրուիներ, իրենց ներդաշնակ երգեցողութեամբ, վերացման պահեր կ'ընծայեն Ս. Պատարագին ներկայ գտնուող հաւատացեալներու հոգիներէն ներս:

Մեր ակնկալութիւնն ու սպասումն է, որ Աստուած փառաւորելու, Ս. Եկեղեցոյ սրբազան երգեցողութեան ու շարականի միջոցաւ Աստուծոյ ծառայել փափաքողներ՝ կապ հաստատեն եկեղեցոյ գրասենեակ (323) 727-1113.

Այս առթիւ կոչ կ'ուղղենք մեր բարեպաշտ ժողովուրդին եւ յատկապէս երիտասարդներուն, որոնք եթէ կը փափաքին որպէս Դպիր, Ուրարակիր կամ Սարկաւագ Ս. Խորանին սպասարկել՝ առիթը եւ պատեհութիւնը պիտի ունենան այդ ուղղութեամբ յատուկ դասընթացքներու հետեւելու, եւ ստանան համապատասխան աստիճան: Իսկ մեր ծնողներուն կը թելադրենք, որ քաջալերեն իրենց զաւակները եւ եկեղեցի առաջնորդեն մաս կազմելու Դպրաց Դասին եւ կամ որպէս Մոմակալներ ծառայելու Ս. Խորանին:

